

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

ODLUKU

I.

Odbija se prigovor podnosioca prijave, Ramo Đulović, Čehajići bb, 70220 Donji Vakuf, kao neosnovan.

II.

Ova Odluka je konačna i stupa na snagu danom donošenja.

O b r a z l o ž e n j e

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 broj: 01-09-12-431/2024 od 07.10.2024. godine, utvrđeno je da prijava pod rednim brojem 5780 nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj: 06-1-245/2024 od 24.10.2024. godine, utvrđeno je da podnosilac prijave u svojoj prijavi nije naveo argumente protiv navoda iz Odluke, nego izražava spremnost da učestvuje sa 50 % vlastitog učešća.

Uvidom u dostavljeno, Komisija je utvrdila da se u priloženoj Izjavi I navodi iznos vlastitog učešća podnosioca prijave u visini od 1.500,00 KM odnosno 26,6 % od ukupne investicije koja iznosi 5.628,00 KM. Prema pravilima Javnog poziva, u ovom slučaju potrebno bilo da podnosilac prijave osigura vlastito učešće u iznosu od 2.814,00 KM ili 50 %. Izjava I spada u obaveznu dokumentaciju te predstavlja jedini dokument kojim se podnosilac prijave obavezuje da će ispuniti uvjete Javnog poziva i kao takva podrazumijeva i upis vlastitog učešća u visini propisanoj uvjetima Javnog poziva. Drugi razlog odbijanja prijave, o neispunjavanju minimalnih tehničkih uvjeta, podnosilac prijave nije komentirao u prigovoru. Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.



Slađan Bevanda, direktor

Broj: 01-03-12-6772/2024

Sarajevo, 08. 11. 2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a